

(كوہستانی شیناز بان میں)

حضرت رُقِیّہ ﷺ، حضورﷺ گہ حضرت خدیجہ ﷺ اے اُسکُون دِی سیْ۔ ییٹے ولادتے وخ دہ حضور صلی الله علیہ وسلم اے عمر مبارک بِہیو چوئے کالُس یعنی حضرت رُقِیّہ ﷺ نبوتِجیْ ست کال مُڇهو مکّہ دہ پائدا بِلیْ۔ حضرت رُقِیّہ ﷺ حضرت زینب ﷺ جیْ چے کال لیکِهس۔

مالے نسبی لَرُّ: رُقِیّہ بنتِ محمد بن عبدالله بن عبدالمُطّلِب بن ہاشم بن عبدمناف بن قصی بن کلاب بن مرّة بن کعب بن لوئ بن غالب بن فہر بن مالک بن نضر بن کنانہ بن خُزیمہ بن مدرکہ بن الیاس بن مضر بن نزار بن معدّ بن عدنان۔

مَلَے نسبی لَڑ: رُقِیّہ بنتِ خدیجہ بنتِ خُویلد بن اسد بن عبدالعزی بن قُصی بن کلاب بن مرة بن کعب بن لوی۔

اسلام اثون: نبوّت ائے اعلان نِجیْ پتو کھاں وخ دہ حضرت خدیجہ ﷺ مسلمان بِلِس تو اسدِیؤ پتو سہ سے دِجاروجیْ گہ بیعت تھے اسلام دہ داخل بِلِیاسیْ۔

ہجرت حبشہ: حضرت رُقِیّہ ﷺ اے زہانل حضرت عثمان ین عفّان سے بِلیْ۔ حضرت عثمان سے زہانلِجی پتو یہ مُتہ جگو سے ساتی حبشہ ملکُڑ ہجرت تھے گیئے۔ ایک چوٹ مرک ہوئے آلہ مگر پِھری حبشہ ئڑ گیاس۔ کھاں وخ دہ حضورﷺ مکّہ جی مدینہ شریفُڑ ہجرت تھے گیئے اسدِیؤ پتو حضرت عثمان ﷺ گہ

حضرت رُقِيّہﷺ حبشہ جیْ مدینہ شریفَرْ آلہا۔ حضرت رُقِیّہ ﷺ اے بسکیْ ہجرتہ تھونے وجہ گیْ بیٹوڑ ''ذات الہجرتین؛ گہ تھینَن۔

دوموگئی ہجرت حبشہ جی پتو حضور ﷺ ئڑ ییٹے جوک گہ خبر ناسی آ وجہ گئ حضور ﷺ لا غمجنس، ایک چھک ایک چِھیؤ کو آیِی خبر دیگئ چہ سیْسو حضرت عثمان ؓ گہ حضرت رُقِیہﷺ حبشہ دہ تومی اچِھیؤگی پشیگِن، تے نبی علیہ السلام ئڑ تسلی بِلیْ۔ حضورﷺ ای ارشاد تھاؤ: "ابراہیم گہ لوط جی پتو عثمان تم مُچِھٹو منُوزُن کھاں سیْ خود نے پوْن دہ تومیْ جمات سے ہجرت تھاؤن"۔

ماں نہ پشبون: حضرت رُقِیّہ ﷺ ہجرتے وجہ گئ حبشہ داسی ۔ اسہ وخ دہ ییہ سے ماں حضرت خدیجہ ﷺ دُنیے جی روخصت بِلی، تومی اجیئے مُک پُھوٹ نہ تھوبالی، مرگے خبر ناسی، کھاں وخ دہ حبشہ جی مرک بوئے آلیْ تو گوڙ تومی ماں نہ پشِی کھوجیگی، تو ییْسٹر رجیگہ چہ سہ وفات بِلِن۔

آؤلات: حبشه ده ده ييْتْرِ ايک پُڇ بِلُس کهاں سے نُوم حضرت عبدالله چهوريگاس حضرت رُقِيّه ﷺ وفات بِليْ وخ ده عبدالله چار کَلَوسوْ۔ دُو کال پتو يعنى شه کالو عمر ده عبدالله مدينه ده وفات بِلُس، ادِيؤ مُته آولات ناس²۔

نجوژتیا: دُو بِجری ده حضرت رُقِیّد ایک مرض ده مبتلا بِلیْ۔ سیٹرے جسم مبارکِجیْ دَجَار، پھو گہ پرہارہ بِلیاسیْ۔ کھاں وخ دہ حضورﷺ جنگ بدررٌ بوجنَس

_

ابن عبدالبر،الاستعياب، جلد 3،ص:1038_.

ابن عبدالبر، الاستعياب، حبلد 3، ص: 1038؛ ابن سعد، طبقات الكبرى، حبلد 8، ص: 35_. 2

اسہ وخ دہ حضرت رُقِیہ ﷺ پُھویئی مرض گئ نجوڑاسیْ آ وجہ گئ حضور صلی اللہ علیہ وسلم ایْ حضرت عثمانﷺ ئڑ گوڑ پھت بونے حکم تھیگاس³ آں اکمے صحابو سے ساتیْ جنگ بدرڑ گِیاس⁴۔

وفات: حضرت رُقِیّه الله تومی نجور تربیاگی رمضان دُو ہجری دہ جنگ بدر نے فتح چھک وفات بِلی و کھاں دیز زید بن حارثہ کی جنگ بدر اے بَرئی زیرے اُچھیون مدینہ شریفَر آلو اج اسہ دیز حضرت رُقِیّہ کی 20 کالو عمر دہ مدینہ دہ وفات بِلی حضور کی اگر اکے بدر اے مائدان داس آ وجہ گی جنازہ دہ ٹل نہ بوبالاس حضور صلی الله علیہ وسلم اے ہدایت اے مطابق حضرت رُقِیّہ کی جنت البقیع دہ اسپاریگہ و کھس و خ دہ جنت البقیع دہ آئمہ بقیع مقبرو دچھٹی کھن آں ازواج مطہراتو مقبرو کھبوتی طرفر نبی علیہ السلام اے دِجارو قبرو ایک مقبرہ بیسو کھاں سِجی ایک ضریح گہ شیبلِس ۔

حضرت رُقِيّه ﷺ جَىْ پتو: حضرت رُقِيّه ﷺ لئى خوش اخلاق گه توموْ مُشائر خدمت گزارِس ـ ييْسو دو چوْٹ حبشہ آن ايک چوْٹ مدينہ شريفَر ہجرت تهيگِس ـ

ابن عبدالبر،الاستعياب، جلد 3،ص: 1038- 3

الاصابه، كتاب النساء ص: 153 4

ابن سعد ، طبقات الكبرى، جلد 8،ص: 3، 5_

ابن سعد، طبقات الكبرى، جلد 8، ص: 37 _ 6

ابن سعد ، طبقات الكبرى، حبلد 8، ص: 37؛ ابن شيبه ، تاريخ مدينه منوره ، حبلد 1، ص: 103 - 7

حضرت رُقِيّه الله الله وفات جی پتو حضرت عثمان الله لو غمجن گه خپاسُوْ۔ ایک تو چِدالی جمات دُنیے جی روخصت بِلِس، مُتیْ آئے چہ جمحے حیثیتجی گه محروم بِلُس۔ حضور الله ای حضرت عثمان الله الله حالت چکے تومی دُوموْگی دی حضرت امّ کُلثوم الله سے نکاح دہ دیگہ کھاں سے وجہ گی سیٹور "زوالنورین" الے اعزاز ہشِلُس۔ آئے زہانل حضرت رُقِیّہ الله الله وفات جی شہ موس پتو بِلِس۔

